

寧雅堂藏書

奧雅堂叢書

小石帆亭五言詩續鈔卷四

大興翁方綱正三撰

宋一

歐陽文忠五首

送唐生

一作送唐秀才歸永州

京師英豪域車馬日紛紛唐生萬里客一影隨一身出
無車與馬但踏車馬塵日食不自飽讀書依主人夜夜

客枕夢

一作冷

北風吹孤雲翩然動歸思旦夕來叩

叩一作我

門終年少人識逆旅

一作旅意

惟我親來學愧道慚

一作昧

贈

歸慚

一作嗟

橐貧勉之期不止多穫由力耘指家大嶺北

重湖浩無垠飛鴈不可到書來安得

一作能頻

哭

一作弔石

曼卿

嗟我識君晚君時猶壯夫信哉天下奇落落不可拘軒

昂懼驚俗自

一作似

隱酒之徒一飲不計斗傾河竭崑墟

作詩幾百篇錦組聯瓊琚時時出險語意外研精麤窮

奇變雲煙搜怪蟠蛟魚詩成多自寫筆法顏與虞旋弃

不復惜所存今幾餘往往落人間藏之比明珠又好

一作

題屋壁虹霓隨卷舒遺蹤處處在餘墨潤不枯胸山

頃歲出我亦斥江湖乖離

一作睽

四五載人事忽焉

一作有

殊歸來見京師心老貌已癯但驚何其衰豈意今也無
才高不少下闊若與世疎驂騑當少時其志萬里途一
旦老伏櫪猶思玉山芻天兵宿西北狂兒尙稽誅而令
壯士死痛惜無賢愚歸魂渦上田露草荒春蕪

送曇穎歸廬山

吾聞廬山久欲往世俗拘昔歲貶夷陵扁舟下江湖八
月到湓口停帆望香爐香爐雲霧間杳靄疑有無忽值
秋日明彩翠浮空虛信哉奇且秀不與濤霍俱偶病不

得往中流但踟躕今思尚髣髴恨不傳畫圖曩穎十年

舊風塵客京都一旦不辭訣飄然卷衣一作長裾山林往

不返古亦有吾儒西北苦兵戰江南仍旱枯新秦又攻

寇京陝募兵夫聖君念蒼生賢相思良謨嗟我無一說

朝紳拖舒舒未能膏鼎鑊又不老菰蒲羨子識所止雙

林歸結廬

送滎陽魏主簿廣一作送魏廣

卓犖東都一作魏都子姓名聞十年窮冬雪塞空千里至我

門子足未及闕我衣驚倒顛僕童一作童僕相視疑寮吏或

不然俛首鵠鶴啄進趨鳬鴈聯青衫靴兩一作脚言色

倩一作情以溫於公門豈少乃獨得公懽受知固不易知

士誠尤難我思屈童吏欲辯難以言觴豆及嘉節高堂

列羣賢文章看落筆論議馳後先破石出至寶決高瀉

長川光暉相磨晻浩渺肆波瀾寮吏愧我歎僕童一作童僕

恪生顏我顧寮吏嘻士豈以此觀此聊爲戲耳以驚僕

童一作童僕昏士欲見其守視其居賤貧欲知其所趨試以

義利干我始識其面已窺其肺肝禮有來必往木爪報

琅玕十年思見之一日捨我還何用慰離居贈子以短

篇

答原父

一作答
劉廷評

炎歊鬱然蒸午景熾方燄子來清風興蕭蕭吹几簟又
如沃瓊漿遽飲不知厭嗟予學苦晚白首困鉛槧危疑

奚

一作
何

所質孔孟久已窆羣儒室自私惟子通且瞻幸

時丐贏餘屢得飽饑歉嚴嚴

一作
落落

春秋經大法誰敢覘

一本有譬猶天之蒼
乃欲學而染兩句

三才失綱紀

一作
紀綱

五代極昏墊盜

竊恣怙

一作
發

篋英雄爭奮劒興亡兩倉卒事迹多遺欠

一作
貶

纔能紀成敗豈暇誅姦僭聞見患孤寡

一作
陋

是非

誰證驗嘗欣洞好惡遂乞指瑕玷反蒙華袞褒如譽嫖
母豔救非當在早已暴一作暴惡何由斂苟能哀癘痼其可
惜針砭風舫或許邀湖綠方灩灩

梅宛陵二首

范饒州坐中客語食河豚魚

春洲生荻芽春岸飛楊花河豚當是時貴不數魚蝦其
狀已可怪其毒亦莫加忿腹若封豕怒目猶吳蛙魚煎
苟失所入喉爲鑊錙若此喪軀體何須資齒牙持問南
方人黨護復矜誇皆言美無度誰謂死如麻我語不能

屈自思空咄嗟退之來潮陽始憚餐龍蛇子厚居柳州而甘食蝦蟇二物雖可憎性命無舛差斯味曾不比中藏禍無涯甚美惡亦稱此言誠可嘉

陸子履示秦篆寶

其文曰二十六年皇帝盡兼并天下諸侯黔首大安號爲皇帝

乃詔丞相斯館法度量則不一嫌疑者皆明一之

秦旣并諸侯斯乃一度量鑄寶以永傳萬世俾勿喪精銅不生花小篆著丞相一沒咸陽宮千秋事更王陸君居洛陽客有來渭上曰因農人耕發壞破古藏遂獲此物還文完字何壯始號爲皇帝立語已超曠意將愚黔

十六夜共子相諸從小飲

昨夜月如在今宵酒更宜
寒光杯自有素影共爲持
匹練生千樹空亭鑒一池
莫辭更欲盡長此慰秋期

宣城畱別沈眉生

壽民

治先

壽國

兄弟

積雨動高林畱人意自深
二難誰可並八詠到于今
燕市存軻漸關中識布心
踏歌何處斷欲別未成音

應試南都伯宗祖別清溪

逐隊七千士上書十二年
感懷唯我友惜別更殷然
劒氣秣陵道花期九月天
未知秋有色溪水若流漣

寄吳氏女子

伯姬不見我乃今始七齡家書無虛月豈異常歸甯汝
夫綴卿官汝兒亦搢縉兒已受師學出藍而更青女復
知女功婉孌有典刑自吾捨汝東中父繼在廷小父數
往來吉音汝每聆旣嫁所願懷孰知汝所丁而吾與汝
母湯熨幸小停邸園祿一品吏卒給使令膏粱以晚食
安步而輜駟山泉皋壤閒適志多所經汝何思而憂書
每說涕零吾廬所封殖歲久愈華菁豈特茂松竹梧楸
亦冥冥芰荷美花實瀾漫爭溝涇諸孫肯來游誰謂川

無舂姑示汝我詩知嘉此林垞末有擬寒山覺汝耳目
熒因之授汝季季也亦淑靈

游土山示蔡天啓祕校

定林瞰土山近乃在睂睫誰謂秦淮廣正可藏一艖朝
予欲獨往扶憊強登涉蔡侯聞之喜喜色見兩頰呼鞍
追我馬亦以兩黥挾斂書付衣囊裹飯隨藥笈脩脩阿
蘭若土木老山脅鼓鐘卧空曠筍簴雕捷業升堂廊無
主考擊誰敢輒坡坨謝公冢藏椁久穿劫百金置酒地
野老今行饁緬懷起東山勝踐此稠疊於時國累卵楚

夏血常喋外實備艱梗中仍費調燮公能覺如夢自喻
一蝴蝶桓溫適自斃苻堅方天厭且可緩九錫甯當快
一捷彼哉斗筭人得喪易矜怯妄言屐齒折吾欲刊史
牒傷心新城埭歸意終難愜漂搖五城舟尙想浮河楫
千秋隴東月長照西州堞豈無華屋處亦捉蒲葵簞碎
金諒可惜零落隨秋葉好事所傳玩空殘法書帖清談
渺不嗣陳迹恍如接東陽故侯孫少小同鼓篋一官初
嶺海仰視飛鳶跼窮歸放款段高卧停遠蹠牽襟肘卽
見著帽耳纔摩數椽危敗屋爲我炊陳浥雖無膏污鼎

尚有羹濡筴縱言及平生相視開笑靨邯鄲枕上事且
飲且田獵或昏眠委翳或妄走超躐或叫號而寤或歌
泣而麗幸哉同聖時田里老安帖易牛以寶劒擊壤勝
彈鋏追憐衰晉末此土方岌業強偷須臾樂撫事終愁
慄子雖天戮民有械無桟榴翁今貧而靜內熱非復葉
子衰極今歲儻與雞夢協委蛻亦何恨吾兒已長鬣翁
雖齒長我未見白可鑷祝翁尙難老生理歸善攝久留
畏年少譏我兩帖囁束火扶路還宵明狐兔懾蔡侯雄
俊士心憭形亦謬異時能飛鞚快若五陵俠胡爲阡陌

閒踈足僅相躡諒能交轡語
喏予不能嚼

遊章義寺

九日章義寺倦遊因解鑣
拂楊寄午夢起尋北山椒
岑蔚鳥絕迹悲鳴惟一蜩
歡言與僧期於此共簞瓢
斬松八九根
牕壁具一朝
伏檻何所見
蒼蒼圍寂寥
巖谷寒更靜
水泉清不搖
安得有車馬
尙無漁與樵
神茂真觀復
心明眾塵消
陰嶺有佳客
儻來不須招

強起

寒堂耿不寐
輓輓聞車聲
不知誰家兒
先我霜上行
歎

息夜未央呼燈置前楹推枕欲強起問知星正明昧旦
聖所勉齊詩有雞鳴嗟予以竊食更覺負平生

同杜使君飲城南

山公游何處白馬鳴翩翩檀欒十畝碧五月浮寒煙留
客醉其閒風吹江海縣出罇不見日竹外空青天焚蠟
助月出酒光發金船狂客惜不去醉翁舞回旋何必次
簫人玉枝自嬋娟歸路借紅燭雨星低馬前

自州追送朱氏女弟宿木瘤僧舍明日度長安嶺

至皖口